



Kalaallit Nunaanni akileeqqusinermi akiligassalimmut ilitsersuut

Akileeqqusissut

Akileeqqusissummik nalunaarut ilinnut anngunneqarpoq. Akiligassaqaarfivit akiligassarinerakkami annertussusaata katinnera immersugassami allassimavaat. Piumasarineqartut katinnerat akiligassallu eqqartuussivimmit aalajangiunneqartut akileeqqusissutip quppernerani kingullermi takusinnaavatit.

Piumasaqaammut isumaqataaguit:

Piumasaqaammut isumaqataaguit maanna allamik iliuuseqassanngilatit. Akileeqqusissut eqqartuussivimmit **oqaaseqaammik ilaneqassaaq**, taamaalilluni akileeqqusissut eqqartuussutitulli pituttorsimatigisumik atuutilissaaq

Akigassaqaarfiup ilinnit akiligassarineragai akilerlugit suliaq eqqartuussivimmi unitsissinnaavat. Akiligassap annertussusaa eqqartuussiviup kisissimasaani (quppernermi kingullerni) takuneqarsinnaavoq. Taamaattorli ernialeqqinneqarsinnaavoq. Akigassaqaarfik imaluunniit akiligassaqaarfiup sinniisua attavigalugu piumaqaatip annertussusaa eqqortoq paasiniarsinnaavat.

Piumasaqaammut isumaqataanngikkuit:

Akiligassaqaarfiup piumasaqaataanut isumaqataanngikkuit, tamanna allakkatigut Kalaallit Nunaanni Eqqartuussivimmut nalunaarutigissavat. Akerliliissagaluaruit immersugassaq iluaqutaasinnaasoq kakkiiunneqarpoq, piumaguit atorsinnaavat.

Akileeqqusissutip ilinnut nalunaarutigineqarneranit **sapaatit akunneri sisamat** qaangiutsinnagit akeryliliinnik immersugaq Kalaallit Nunaanni Eqqartuussiviup **tigoreeresimasavaa**.

Assersuutigalugu akileeqqusissut ulloq taanna nalunaarutiginnittartumit tunniunneqara atuutissaaq imaluunniit telefonikkut nalunaarfigineqaruit, ulloq taanna sianerfigitinnerit atuutissaaq.

Akerliliiguit susoqassava?

Akiligassaqaarfiup eqqartuussivimmut qanoq ilioqqusisimanera apeqqutaavoq. Imm. 6-mi takusinnaavat, piumasaqaammut akeryliliissaguit akiligassaqaarfiup saqitsaannermik suliamik aallartitsinissani/-rtik kissaatiginneraa imaluunniit suliaq utertinneqarnissaa kissaatigissaneraa.

Akiligassaqaarfik angersimappat saqitsaannermik suliaq aallartinneqarumaarpoq illillu eqqartuussivimmit nalunaarfigineqarumaarput. Taamaattoqassappat akeryliliinerit pillugu eqqartuussiviup itisileeqqusinnaavaatit.

Akiligassaqaarfik naaggaarsimappat akileeqqusissut akiligassaqaarfimmut utertinneqarumaarpoq. Suliarlu eqqartuussivimmit naliliivigineqarani naammassissaaq. Akiligassaqaarfik kingusinnerusukkut ilinnut eqqartuussinermik suliamik aallartitsisinnaavoq.

Saqitsaannermik suliap aningaasartuutitik annertunerusunik kinguneqarsinnaanera eqqumaffigissavat. Suliami ajorsaruit **tunngaviusumik** suliami aningaasartuutit ilinnit akilerneqartussaassapput.

Akerliliinngikkuit susoqassava?

Sapaatit akunnerisa sisamat ingerlaneranni piffissap killiliussap iluani eqqartuussiviup tusarfiginngikkunitit, akiligassaqaqfiup piumasaqaataanut isumaqataasutut isigalutit, eqqartuussiviup suliaq suliarissavaa. Akileeqqusissut **oqaaseqaammik ilaneqassaaq**, allanneqassalluni akiligassap annertussusaa allassimasoq akiligassarigit. **Oqaaseqaat ilassut** eqqartuussutitulli atuuttarpoq.

Akiligassaqaqfik imm. 6-imi angersimappat, **eqqartuussiviup** nammineerluni akiliigallarnissamik aallartitsinissaanut, eqqartuussiviup akileeqqusissut nunap immikkoortortaani eqqartuussivimmut ingerlateqqissavaa, taakkulu ataatsimiinnissamut aggersarumaarpaatsit. Illit inoqutigillu aningaasaqarnikkut inissisimanersi pillugu ataatsimiinnermi paasissutissiissaatit.

Akiligassaqaqfik imm. 6-imi naaggaarsimappat eqqartuussiviup akileeqqusissut akigassaqaqfimmu utertissavaa suliarlu naammassineqassaaq. Akiligassaqaqfiup eqqartuussivimmut kingorna kissaatigisinnaavaa illit ataatsimiigiaqquneqarnissat.

Ullormit oqaaseqaatip allanneqarfianit ukiut 20-t qaangiutsinnagit akiligassaqaqfiup piumasaqarsinnaaneranut suliap pisoqaalivallaarnissaanut killissarititaavoq.

Suliami aningaasartuutit

Akigassaqaqfiup piumasaqaataata saniatigut suliami aningaasartuutit akiligassaqaqfimmu akilissavatit. Akiligassat annertussusaata katinnerat (quppernermi kingullermi) takusinnaavat. Maannamut aningaasartuutaagallartut katinnerani ilaapput. Suliaq nunap immikkoortortaani eqqartuussivimmi ingerlaqqissappat aningaasartuutit amerlanerulersinnaapput.

Qaqeqqiineq

Akerliliinerit piffissap killiliuussap sapaatit akunnerisa sisamat qaangiutsinnagit Kalaallit Nunaanni Eqqartuussivimmit tiguneqarsimanngippat, suliap qaqeqqinneqarnissaa eqqartuussivimmut **qinnutigisinnaavat**. Eqqartuussiviup akileeqqusissummut eqqartuussutitulli atuunneranik oqaaseqaatilorneranit sapaatit akunneri sisamat qaangiutsinnagit, allakkatigut Kalaallit Nunaanni Eqqartuussivimmut qaqeqqiinissamik qinnuteqarnissat piumasaqaataavoq. Suliamik qaqeqqiinissannut qinnuteqaatit eqqartuussiviup oqaaseqaasiornerata kingorna sapaatit akunnerisa sisamat sinnerlugit qaangiunneranni tunniunneqaraluartoq, immikkut ittumik aamma qaqeqqinneqarsinnaavoq, tamannali ukiup ataatsip qaangiutinnginnerani pissaaq.

Suliamik aningaasartuutitik akiliinissat imaluunniit qularnaveeqqusiinissat eqqartuussiviup qaqeqqiinissamut piumasaqaatigisinnaavaa.

Paasissutissat allat

Apeqqutissaqaruit Kalaallit Nunaanni Eqqartuussivimmut saaffigininnissannut tikilluaqqusaavutit. Akileeqqusissutit pillugit paasissutissat uani aamma atuarsinnaavatit www.domstol.gl